

Fødevarestyrelsisip aamma Namminersorlutik Oqartussat Kalaallit Nunaannut tunngasunut aalajangiisarneri pillugit Miljø- og Fødevareklagenævnip naammagittaalliuutinik suliarinnittarnera pillugu nalunaarut

Inuussutissat il.il. pillugit inatsisip Kalaallit Nunaannut atortuulersinneqarnissaanik peqqussut nr. 523, 8. juni 2004-imeersumi § 54, imm. 1 aamma § 65, imm. 1, uumasuni nappaatit tunillaannartullu pillugit inatsisip Kalaallit Nunaannut atortuulersinneqarnissaanik peqqussut nr. 524, 8. juni 2004-imeersumi § 39, imm. 2 aamma uumasut nakorsaattut suliaqarneq il.il. pillugit inatsisip Kalaallit Nunaanni atortuulersinneqarnissaanik peqqussut nr. 525, 8. juni 2004-imeersumi § 25, imm. 2 naapertorlugit, tak. Miljø og Fødevareklagenævni pillugu inatsit nr. 1715, 27. december 2016-imeersoq aamma Namminersorlutik Oqartussat isumaqatigiinniarfigereerlugit aalajangersarneqarpoq:

§ 1. Inuussutissanut uumasullu nakorsaqaanermut tunngasut ilaanni avatangiisinut inuussutissalerinermullu ministerimit aqunneqartuni Fødevarestyrelsisip aamma Namminersorlutik Oqartussat suliaat pisinnaatitaaffilu pillugit nalunaarummi § 3-imi, § 45, imm. 1-imi aamma § 5-imi taaneqartuni pisinnaatitaaffinni suliaassanillu isumaginninnermut atatillugu Fødevarestyrelsimit aamma Namminersorlutik Oqartussanit oqartussatut siullertut aalajangiiffigineqartut pillugit naammagittaalliuutinik Miljø- og Fødevarestyrelsi suliaqarpoq.

Imm. 2. Imm. 1-imut ilaasunik naammagittaalliuutinik aamma Miljø- og Fødevarestyrelsisip suleriaasia pillugu nalunaarummi malittarisassat malillugit aalajangiinerit nalunaarutigineriniit ullormiit sapaatit akunneri sisamat qaangiutsinnagit tunniunneqartunik naammagittaalliuutinik aalajangiisartut suliaqartarput. Suleriaaseq Miljø- og Fødevareklagenævni pillugu inatsimmi § 7, imm. 2, § 13 aamma § 22 malillugit erhvervsministerimit atulersinneqarpoq.

Imm. 3. Imm. 1-imi pineqartunik aalajangiinernik aamma Fødevarestyrelsimit aalajangiiffigineqartunik naammagittaalliuutit Fødevarestyrelsi aqqutigalugu tunniunneqassapput. Imm. 1-imi pineqartunik aalajangiinernik aamma Namminersorlutik Oqartussanit aalajangiiffigineqartunik naammagittaalliuutit Namminersorlutik Oqartussat aqqutigalugit tunniunneqarsinnaapput.

Imm. 4. Fødevarestyrelsi sulianut tunngatillugu oqartussatut siullertut aalajangiiffigineqartuni, naammagittaalliuutip tunniunneqarnerata kingorna aamma naammagittaalliuutip aalajangiisartunut ingerlateqqinneqarnissaa sioqqullugu sulianik qaqitseqqiisinnaavoq.

Imm. 5. Aalajangiinerit Miljø- og Fødevareklagenævni aalajangiiffigineqartut allaffissornikkut oqartussanut allanut suliaassanngortinneqarsinnaanngillat.

§ 2. Nalunaarut 1. september 2017-imi atuutilissaaq.

Miljø- og Fødevareministeriaqarfik, 25. august 2017

ESBEN LUNDE LARSEN

/ Esben Egede Rasmussen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut